

## **Institiúid Oideachais Marino (IOM)**

Agus é spreagtha ag fíis na Críostaíochta, pobal teagaisc, foghlama agus taighde is ea IOM atá tiomanta d'ionchuimsiú agus do bharr feabhais san oideachas a chur chun cinn. Is coláiste comhlachaithe de chuid Choláiste na Tríonóide, Baile Átha Cliath, Ollscoil Bhaile Átha Cliath é IOM, agus cuireann sé cláir fochéime agus iarchéime san oideachas ar fáil, lena n-áirítear cláir oideachais thosaigh mhúinteoireachta.

Cuireann Comhlacht Rialaithe IOM cuireadh roimh iarratais ó dhaoine ag a bhfuil cáilíochtaí oiriúnacha don phost de

### **Chomhlach Socrúcháin Scoile Dhá Phost Ar Fáil**

**CUR SÍOS GINEARÁLTA AR AN bPOST**  
**Dualgais agus Téarmaí & Coinníollacha Ginearálta Fostaíochta**  
Conradh ar Théarma Seasta 10 mí ar Bhonn Coibhéis Lánaimseartha 0.50

## **1 PRÓIFÍL AN IARRTHÓRA AGUS RAON FEIDHME AN PHOIST**

Is mian le hInstitiúid Oideachais Marino (IOM) beirt Chomhpháirtithe Socrúcháin Scoile a cheapadh ar Bhonn Coibhéis Lánaimseartha 0.5, Conradh ar Théarma Seasta 10 mí dar tús mí Lúnasa 2024.

Tá IOM sa tóir ar bhall dáimhe nuálach agus rannpháirtíoch chun modúil a theagasc le dualgais a bhaineann go háirithe le Socrúchán Scoile, lena n-áirítear ar an mBaitsiléir san Oideachas Trí Mheán na Gaeilge (Bunmhúinteoireacht), B.Oid; Baitsiléir san Oideachas (Bunmhúinteoireacht) B.Ed agus an Máistreacht Ghairmiúil san Oideachas (Bunmhúinteoireacht) MGO. Beidh dualgais ghinearálta ag an gceapaí i réimse an oideachais freisin. e.g. maoirseacht ar mhic léinn atá ar shocrúchán agus ag teagasc.

Is tábhachtach an tréith é an tiomantas don fhoghlaim agus teagasc d'ardchaighdeán i dtimpeallacht mac léinn-lárnach. Tá sé inmhianaithe díograis le haghaidh timpeallacht ildisciplíneach a bheith ag an iarrthóir. Caithfidh an duine a cheapfar fianaise a léiriú dá dtiomantas láidir do bharr feabhais sa teagasc, taighde agus sa ghníomhaíocht leanúnach scolártha.

Is deis í seo do mhúinteoirí bunscoile atá cláraithe le Comhairle Mhúinteoireachta na hÉireann chun cur le forbairt múinteoirí faoi oiliúint agus a gcuid eolais agus taithí a roinnt fad is atá siad ag obair le teagascóirí socrúcháin scoile ar fud na tíre. Oireann an post seo go paiteanta do mhúinteoirí ar spéis leo postroinnt a dhéanamh nó sos gairme a shocrú. Ní oireann an post seo do dhaoine atá fostaithe go lánaimseartha.

**Cáilíochtaí agus Scileanna Bunriachtanacha** (i.e. scileanna nach féidir le hiarrthóir an post a dhéanamh gan iad. Ní dhéanfar iarratais a chur ar an ngearrliosta nár léirigh go soiléir go bhfuil na bunriachtanais ag an iarrthóir):

Ionas go measfar iad don phost seo, beidh an méid a leanas ag teastáil ó iarratasóirí:

- A bheith cláraithe leis an gComhairle Mhúinteoireachta faoi bhealach 1 (bunscoil).
- Cáilíocht ábhartha ag Leibhéal 8 nó Leibhéal 9 sa bhunoideachas.
- 5 bliana de bheith i mbun grúpaí ranga éagsúla a mhúineadh
- Eolas ar mhodhanna teagasc, ar chleachtas nuálaíoch agus ar theagasc/fhoghlaim chomhoibríoch.
- Taithí ar mheantóireacht a dhéanamh ar mhúinteoirí faoi oiliúint nó ar chomhghleacaithe.
- Inniúil ar theicneolaíocht a úsáid chun teagasc, foghlaim agus forbairt ghairmiúil a dhéanamh.
- A bheith ag gabháil d'fhorbairt ghairmiúil agus cumas a léiriú maidir le múinteoirí faoi oiliúint a spreagadh chun barr a gcumais a bhaint amach.
- A bheith in ann obair as a stuaim féin agus mar bhall d'fhoireann.
- A bheith solúbtha ó thaobh socrúithe oibre de le go mbeidh sé/sí in ann freastal ar riachtanais na dteagascóirí, na mac léinn, na múinteoirí faoi oiliúint agus IOM.

#### **Critéir Inmhianaithe**

- Ceadúnas tiomána iomlán agus a bheith sásta tiomáint laistigh d'Éirinn.
- Taithí mar bhall d'Fhoireann Phroifisiúnta Tacaíochta Droichead (FPT).
- Ardchaighdeán Gaeilge (Gaeilge labhartha & scríofa) agus an cumas gach gné den ról seo a dhéanamh trí mheán na Gaeilge

**Ní mór d'iarrthóirí a léiriú go soiléir ina n-iarratais an dóigh a gcomhlíonann siad gach ceann de na réamhriachtanais seo.**

## **2. CUR SÍOS POIST**

### **An Caidreamh Tuairiscithe**

Éilítear ar an gceapaí na dualgais a bhaineann leis an bpost a chur i gcrích, faoi stiúradh ginearálta Cheannaire na Rannóige dá dtuairiscíonn sé/sí, agus dá bhfuil sé/sí freagrach as feidhmiú na ndualgas sin ar an gcéad dul síos. Tuairisceoidh an ceapaí trí Cheannaire na Rannóige d'Uachtarán na hInstitiúide agus/nó dá leithéid d'oifigigh IOM eile a d'fhéadfadh an tUachtarán a ainmniú ó am go ham.

D'fhéadfadh an caidreamh tuairiscithe bheith faoi réir ag athbhreithniú tréimhsiúil, ar aon dul le riachtanais seirbhíse agus le forbairtí san Institiúid.

## **Dualgais agus Freagrachtaí**

Áirítear na nithe seo a leanas leis na dualgais:

- Teagasc, foghlaim agus measúnú nuálach a chur chun cinn i measc mac léinn oiliúna tosaigh múinteoirí agus teagascóirí socrúcháin.
- Páirt a ghlacadh i gCláir Oiliúna FGL do theagascóirí Socrúcháin Scoile a dheardh, a phleanáil, a éascú agus cuidiú le monatóireacht agus meastóireacht a dhéanamh ar a leithéidí.
- Idirchaidreamh a dhéanamh leis na timpeallachtaí socrúcháin, ceannairí scoile, múinteoirí, comhordaitheoirí agus riarthóirí socrúcháin, ar mhaithe le tacú le hullmhú do sholáthar socrúcháin scoile a bharrfheabhsú agus é a fheabhsú.
- Meantóireacht, maoirseacht, measúnú agus tuairisciú a dhéanamh chun tacú le mic léinn agus iad ar shocrúchán scoile.
- Breathnóireacht a dhéanamh ar mhic léinn le linn dóibh a bheith ar shocrúchán i dtimpeallachtaí oideachais (i rith uaireanta scoile), agus aiseolas ó bhéal agus i scríbhinn a thabhairt do mhic léinn.
- Ábhair/acmhainní a fhorbairt i gcomhar leis an bhFoireann Socrúcháin Scoile le bheith mar thaca do theagascóirí Socrúcháin Scoile agus iad i mbun cláir oiliúna tosaigh múinteoirí.
- Tascanna riaracháin a dhéanamh agus sonraí/tuarascálacha a chur i dtoll a chéile de réir mar a bheidh gá ag IOM leo.
- A bheith i láthair agus rannpháirteach i ngach cruinniú de Chúirteanna na Scrúdaitheoirí agus imeachtaí i bhféilire na hInstitiúide, lena n-áirítear an Lá Oscailte agus ionduchtú.
- Dul i gcomhairle le mic léinn agus leis an bpobal foghlama i gcoitinne, lena n-áirítear díospóireachtaí, seisiúin C&F agus imeachtaí ar líne a éascú.
- Cabhrú le measúnuithe (tascanna/cur i láthair srl) a eagrú agus a mharcáil faoi mhaoirseacht bhall den fhoireann teagaisc.
- Feidhmiú mar theagascóir pearsanta le mic léinn de réir leithdháilte.
- Seacht dtreoirphrionsabal na n-iontaobhaithe a chur chun cinn.

I measc na ndualgas ar an gceapaí tá maoirseacht a dhéanamh ar mhic léinn agus iad ar shocrúchán mar chuid dá cláir bunchéime (B.Oid., Baitsiléir san Oideachas Trí Mheán na Gaeilge (Bunmhúinteoireacht), agus cláir iarchéime (lena n-áirítear an MGO). Cuirfidh an duine a cheapfar le deardh cúrsaí agus foirmiú polasaithe ag leibhéal fochéime agus iarchéime araon.

Ba cheart a thabhairt faoi deara nach mór don cheapaí obair a dhéanamh mar bhall foirne i ngach réimse oibre/roinn laistigh den Institiúid. Cé go bhfuil na dualgais a bhaineann leis an bpost sainithe ar an iomlán faoi na ceannteidil éagsúla mar atá liostaithe, ní liosta uileghabhálach é liosta na ndualgas. Éileofar ar an gceapaí feidhmiú ar bhealach solúbtha agus comhghleacúil. Forchoimeádan IOM an ceart dualgais nua a shannadh nó foireann a athshannadh do réimsí eile na hInstitiúide, nó an dá rud araon, mar fhreagairt ar riachtanais seirbhíse.

## **3. EOLAS MAIDIR LE HIARRATAIS, MAIDIR LEIS AN bPRÓISEAS ROGHNÚCHÁIN AGUS EOLAS GINEARÁLTA EILE.**

### **Modh Roghnúcháin le haghaidh Molta**

Déanfar gearrliostú iarratasóirí a bheidh bunaithe ar cháilíochtaí, ar oiriúnacht agus ar thaithí oibre ábhartha an iarratasóra de réir mar atá sonraithe san iarratas. Is é an t-iarratasóir atá freagrach as a

chinntiú go gcuirtear faisnéis ábhartha uile san áireamh lena iarratas/hiarratas agus go dtaispeánann sé/sí go soiléir conas a chomhlíonann sé/sí na critéir iarrthóra shonraithe.

Déanfaidh painéal agallaimh an t-agallamh a bheidh comhdhéanta de líon nach lú ná 3 duine, agus cuimseofar na daoine is oiriúnaí agus is cáilithí leis chun iarratasóirí sa disciplín a mheasúnú. Is é an Comhlacht Rialaithe a dhéanann gach ceapachán fostaíochta ag IOM. Cuirfear moltaí an phainéil agallaimh maidir le hiarratasóirí rathúla a cheapadh do phoist uile faoi bhráid Chomhlacht Rialaithe IOM lena bhreithniú agus lena chinneadh.

Sa chás nach molann an painéal agallaimh ceapadh buan, forchoimeádann an Institiúid an ceart chun iarrthóir oiriúnach a cheapadh, aitheanta tríd an bpróiseas roghnúcháin, don phost ar bonn téarma seasta.

D'fhéadfaí painéal a chruthú óna bhféadfaí ceapacháin ar chonarthaí buana nó téarma seasta a líonadh le linn shaolré an phainéil. Cuirfear deireadh leis an bpainéal 12 mhí tar éis a dháta foirmithe, is é sin dáta an agallaimh thosaigh.

Ní mór d'iarrthóirí fianaise dhoiciméadach shásúil a chur ar fáil ar oiliúint agus ar thaithí uile arna maíomh acu, más gá.

### **Tréimhse Phromhaidh**

Braitheann an ceapachán ar thréimhse phromhaidh 3 mhí ar fhad a chur i gcrích go sásúil. D'fhéadfaí an tréimhse phromhaidh a shíneadh faoi rogha na hInstitiúide ach in aon chás ní mhairfidh sí níos mó ná 6 mhí. Síneadh an tréimhse phromhaidh mar gheall ar neamhláithreachtaí lena linn. Déanfar monatóireacht ar fheidhmíocht agus ar iompar le linn na tréimhse phromhaidh trí phróiseas de chruinnithe measúnaithe. Beidh foirceannadh fostaíochta le linn na tréimhse phromhaidh faoi rogha na hInstitiúide. Beidh leagan ciorraithe den nós imeachta smachta infheidhme maidir le fostaithe ar promhadh.

### **Grinnfhiosrúchán an Gharda Síochána**

D'fhéadfadh sé a bheith riachtanach d'iarratasóirí rathúla uile páirt a ghlacadh i nGrinnfhiosrúchán an Gharda Síochána. Tabharfar treoir shainiúil maidir leis an bpróiseas sin ag an am iomchuí. Déanfar iarratasóirí nach gcomhlíonann riachtanais na hInstitiúide maidir leis sin a eisiamh ó bhreithniú don ceapachán seo.

### **Oiliúint Bhunriachtanach**

Beidh ar an iarratasóir a éiríonn leis nó léi tabhairt faoin oiliúint chomhlíontachta bhunriachtanach seo a leanas: Ionduchtú, Sláinte & Sábháilteacht agus Cosaint Sonraí (RGCS), agus ní mór dó/di fianaise a sholáthar ar Oiliúint maidir le Cosaint Leanaí de chuid Tusla a bheith déanta acu. Seans go mbeadh gá le tabhairt faoi oiliúint eile má tá gá leis sin.

### **Tuarastal**

Is é €25,375 an tuarastal pro rata bliantúil reatha

## **Na hIarratais a Dhéanamh**

Déan iarratas le litir chlúdaigh agus CV amháin (ní chuirtear aon fhoirm iarratais speisialta ar fáil), tríd an ríomhphost más féidir chuig [careers@mie.ie](mailto:careers@mie.ie) nó tríd an bpost chuig:

An Oifig Acmhainní Daonna  
Institiúid Oideachais Marino  
Ascaill Uí Ghríofa  
Baile Átha Cliath 9 (D09 R232)

**Ní mór iarratais chomhlánaithe a bheith faighte faoi 5.00 i.n., Dé hAoine an 05 Aibreán 2024. Ní ghlacfar le hiarratais a bheidh mall.**

Ní bheidh an Institiúid freagrach as costais ar bith, lena n-áirítear speansais taistil, a bhféadfadh iarrthóirí iad a thabhu i ndáil lena n-iarrthóireacht.

*Is fostóir comhdheiseanna í Institiúid Oideachais Marino.*